

آبونه شرائطی : هر بر ایچون  
سنه لکی (۴۰۰) آلتی ایلنی  
(۲۲۵) ممالک اجنیه ایچون  
سنه لکی (۴۰۰) ، آلتی ایلنی  
(۲۵۰) غروشدور.

نسخه سی ۷,۵ غروشدور .  
سنه لکی ۵۲ عدددر .

اداره خانه : باب عالی جاده سنده  
رشید افندی خاندنه

اخطارات  
آبونه بدلی پشیندر .

مسلكه موافق آثار مع المعنویه  
قبول اولنور . درج ایدله یین  
یازیلر احاده اولماز .

والله یهدی من یشاءالی صراط مستقیم

باش محرر  
محمد ماکف

صاحب و مدیر  
اشرف ادیب

اتبعون اهدکم سبیل الرشاد

# تذکره

آدره سی تبدیلینده آبریمجه  
غروش کوندرملیدر .

مکتوبلرک امضاری واضح  
واوقوناقلی اولسی و آبونه  
صره نومروسنی محتوی  
بولوغسی لازمدر .

ممالک اجنیه ایچون آبونه  
اولانلرک آدرس لری نیک  
فرانسزجه یازلسی رجا اولنور .

پاره کوندردلیکی زمان نهیه  
داثر اولدینی بیلدیرلسی  
رجا اولنور

## اخلاقیات

### وظائف اخلاقیه نیکه قوه تأییدیه لری

بشریتك غایه خلقی مكارم اخلاقیه در . حضرت محمد علیه السلام  
افندمرك و بن مكارم اخلاقیه بی تأسیس و تعمیم ایتمك حکمتیه مبنی بعث  
اولندم . بیورمش اولماسی مكارم اخلاقیه نیکه ، نظر اسلامده کی اهمیتیه  
کوستریمکده در . مكارم اخلاقیه نیکه بر مبدئی ، برده منتهایی وارد در .  
مبدئی « سلامت نیت » دن عبارتدر . سلامت نیت : فلسفی افاده سیله ،  
نفع و ضرر دوشونجه لری « خوداندیش » لکه حصر و تخصیص ایتمیه رك  
« دیگر اندیش » لکده مهم بر موقع ویرمکدن عبارتدر . و شرعی  
افاده سیله ، نفسنك نائلیتی تمی ایتمیکی ایلمکله دیگر کیمسه لركده  
نائلیتی تمی ایتمیه سی و کندیسنك مصون قالمق ایسته دیکی قنالقردن  
دیگر کیمسه لركده مصون قالمالری ایسته مه سندن عبارتدر .

مكارم اخلاقیه نیکه منتهایی ده سلامت افعال دن عبارتدر . سلامت  
افعال : سلامت نیتك آثار خارجییه سی و نتایج مادییه سی دیمکدر .  
اخلاقك عندالحال و عندالخلق مقبول و مستحسن اولماسی و بناء علیه  
مکافاته مستحق کورولمه سی مبدئیه منتهاسنك یکدیگریه توافق و تطابق  
ایتمه سه وابسته در . سلامت نیته مقارن اولمایان افعال ، غیر اختیاری  
و غیر شعوری ، تعبیر دیگر ایله تصادفی اوله رق فضیلت و خیریت ایله  
التصاف ایده بیله چکی ایچون شایان تحسین و سزاوار مکافات اوله ماز .  
سلامت نیت ده مقبول و مستحسن آثار خارجییه ایله نتیجه پذیر اولمادی  
صورته اهمیتیه ضایع ایدرسه ده ، صاحبی ده مستحق مؤاخذه دکدر .  
فقط آثار خارجییه دن مجرد سلامت نیتك ، غایه خلقی تحقق ایتمیره .  
میله چکی جهته سلامت نیتی دایما سلامت افعال ایله نتیجه لندیرمکه چالیشمق  
مرحسن نیت صاحبك بك مهم بر وظیفه انسانیه سیدر .

اسلامیتك یالکز سلامت نیته مکافات وعد ایتمیکی وارد در . فقط  
شخصی مکافات ایله اکتفا ایتمك خوداندیش لکدن عبارت قالیر .  
حال بوکه غایه خلقت یالکز خود اندیش لك دکدر . بلکه دیگر اندیش لك  
غایه خلقتك اك مهم قسمیدر . چونکه انسانلرك ، یکدیگر لریه قارش  
ایفاسیله مکلف بولندقلری معاونت اجتماعیه آنجق دیگر اندیش اولمالریله  
قابل تحققدیر . بناء علیه بر کیمسه آنجق کندیسنك مستفید اوله بیله چکی  
سلامت نیت مرتبه سندن توقف ایتمیره رك افعال و اعمال خارجییه سیله  
ابنای نوعی مستفید ایتمیه و بصورتله کندی مکافاتنكده تضاعف ایتمه سه  
چالیشمه لیدر . آلدن کلدیکی قادار دایما كرك کندیته و كرك همئونه  
نافع اولمایه چالیشمق هر انسانك ایلك وظیفه سیدر . انسان بو وظیفه سی  
نه درجه اهل ایدرسه غایه خلقتدن اودرجه اوزاقلاشمش اولور .

ممکن فرض اولنسه ، بو امکان تحققی محال بر امکادر . چونکه بتون  
مدت تحصیلیه طرفنده اعظمی بر غیرته بر قاج - وده و بش اون حدیث  
آنجق اوقوتیه بیلیر . دهافضله اوقوتیه لریه نه درس ساعتلی ، نه ده  
مدت تحصیلیه مساعد دکل ایکن ، تاریخ تفسیر و تاریخ حدیث درس لرینكده  
عین مدرس لرك عهد لریه تودیع ایتمیش بولماسی تفسیر و حدیث  
درس لرندن استفاده امکاتی کلاً سلب ایتمکده در .

پروغرامه یالکز علم فقهك علاوه سی ده تأمین مقصده کافی کلز .  
علم اصول فقهك علاوه سی دخی بر فرض علمیدر . احکام فقهیه نیکه  
قرآن وحدیثدن کیفیت استنباطلری کیف ماتفق بر مسئله دکدر .  
علمی پرنسیپلره ، فلسفی دستورلره ، منطقی قانونلره تابعدر .  
بو پرنسیپلری ، دستورلری ، قانونلری بیلیمینلر قرآن وحدیثدن  
استنباط احکام ایده مزلر . ایدرلره ، سلیمان نظیف بکک زنگینلری  
اوروج طوتمقدن قورتارمایه معطوف شفاعت اجتهدیه سی کی اجتهدلر  
قارشوسنده قالیرز . اصول و شرائط اجتهد و استنباطی بیلنلر فقهایی  
اسلام حضراتیدر . و اصول و شرائط مذکوریه یی احتوا ایدن و بیلدیرن  
علم وفن ده ( علم اصول فقه ) عنوان ذی وقارینی طاشیمقده بولنان  
فن جلیل اسلامیدر . بشری علم وفنلره ده ، اصول فقه اسلام درجه سنده  
منتظام اساسلره ، صارصیلمز قلملره مستند هیچ بر علم وفن یوقدر .  
علم اصول فقه فلسفه نیکه یوکسك بر طبقه سیدر . قرآن وحدیثدن  
هوائی ، کبی ، جاهلانه ، غافلانه ، بدخواهانه معنالر ، مقصدلر ،  
حکملر چیقارماسنه مانع اولان یکانه فن اصول فقه فن جلیلیدر . بو فن  
جلیل منسی و متروک بر حالده قالیرسه قرآن وحدیث هر کسك بازیمچه  
آمال و هوسانی و هر بدخواهك آلت شروفسادی اولور . بو فن جلیلی  
بیلیمین بر کیمسه قرآن وحدیث ایله احکام فقهیه آره سنده کی علمی  
مناسبات و روابطی آکلاویه مز . اصول فقه فی هر هانکی بر حکمك  
احکام اسلامیه دن اولوب اولمادیفی فرق و تمیز ایتمك ایچون یکانه بر میزان  
علمیدر . اصول فقهی بیلیمین بر فقهك معلومات فقهیه سی شعوری ،  
استدلالی دکل ، غیر شعوری و تقلیدیدر . علم اصول فقه درجه سنده ،  
انسانده کی فکر محاکمه بی تقویه ایده چك ، هر هانکی بر مسئله نیکه تدقیق  
و تعمیق ایچون لازم کان علمی طریقلری کوستره چك هیچ بر علم مدون  
یوقدر . یالکز اسلام متفکر لرینك دکل ، موسوی و عیسوی متفکر لرینك  
دخی حیرت لری جلب ایدن بو فن جلیل ، بر قانون شعبه سی اولان  
مکتب حقوقده تدریس ایدلمکده ایکن ، بو کون ، الهیات شعبه سنك  
پروغرامندن خارج قالمه سی بزدنه منطقهك ملغا قانونلر صیره سینه کیردیکنی  
کوستریمکده در !

عفی

صاحب خیر و یاخود واسطه خبر اولمایان و یاخود اوله مایان بر کیمسه هیچ اولمازسه، صاحب شر و یاخود واسطه شرده اولمامه لیدر . وجودی کرک نفسنه و کرک دیگر کیمسه لره مضر اولان کیمسه غایه خلقتک تماماً خارجنه چیمش و بناء علیه بالکثر انسانیت کسومنه بورومش بر مخلوقدر . انسانلرک کافه حرکاته نظام ویره جک اولان قانون قانون اخلاقدر . فقط هر قانون قوه تأییدیه دن محروم بولندجه یا تماماً و یاخود کلیاً تطبیق ایدیه من . تطبیق ایدیه من بجه مطلوب اولان نتیجه ده ایدیه من . بناء علیه قانون اخلاقده قوه تأییدیه سی اولق لازم کلیر . عجباً بوقوه تأییدیه لر نلردن عبارت در ؟

وظائف اخلاقیه نیک ایکی قوه تأییدیه سی واردر . بری فکر مسئولیت، دیگری فکر مکافاتدر .

فکر مسئولیت : وظائف اخلاقیه ایفا اولندینی تقدیرده، شخصی وجدان حضورنده، وجدان عامه حضورنده، خلاق عالم حضورنده مسئول و محجوب قالمق اندیشه سیدر .

فکر مکافات : وظائف اخلاقیه ایفا ایدلرکی تقدیرده، شخصی وجدانک انشراحنه، وجدان عامه نیک التفات واستحساننه، خلاق عالمک رضای مسعدت آورینه نائلیت امنیه سنده بولنمقدن عبارتدر .

مسئولیت ایکی نوعدر : بری دنیوی مسئولیت، دیگری اخروی مسئولیتدر . وظائف اخلاقیه اوزرنده دهها زیاده حائر تأثیر اولان مسئولیت، مسئولیت اخرویه فکریدر .

مکافاتده بری دنیوی، دیگری اخروی اولمق اوزره ایکی قسمدر . و اخروی مکافاته نائلیت فکری وظائف اخلاقیه اوزرنده دهها زیاده حائر تأثیردر . اخروی مسئولیت و مکافات فکریلرینک، وظائف اخلاقیه اوزرنده دهها زیاده حائر تأثیر اولماسی اسبابی شو صورتله ایضاح ایتمک ممکندر : اخلاق شخصی کی، وجدان شخصی ده تهذیب، تصفیه به محتاجدر . اخلاقی افساد ایدن مؤثرات، وجدانی ده افساد ایدیه بیلیر . تهذیب و تصفیه ایدلرین و مؤثرات مفسده نیک تحت تأثیرنده قالان وجدان، وظائف اخلاقیه بی مراقبه ایدیه بیلیر . بناء علیه وظائف اخلاقیه بی ایفا ایتمه یئرک، مستحق اولدقلری مسئولیتی تعیین و ترتیب ایتمک وظیفه سی اهام ایدیه بیلیر . وینه وظائف اخلاقیه بی ایفا ایدنلرک، لائق بولندقلری مکافاتی تعیین و ترتیب ایتمک وظیفه سنه قارشیده لاقید قاله بیلیر . و بالنتیجه وجدان شخصی وظائف اخلاقیه اوزرنده مطلوب اولان حسن تأثیری اجرا ایدیه من . شاعر اشرف مرحوم :

چالیشسه بیک سنه بلبل کی قارغه فصیح اولماز  
بالونله آسمانه چیقسه بر آدم مسیح اولماز  
مؤبددر، سیلنمز نقش تأثیراتی وجدانک  
برائت اینسده مجرم درونی مستریع اولماز

دیور و بوسوزیله وجدان شخصینک وظیفه مراقبه بی حسن ایفا ایدیه بیلر جگنی اکلایمق ایسته یورسده، یادینی قنالقندن طولای دانما عذاب دوبان وجدان آنجق تهذیب و تصفیه ایدلش بر وجدان اوله بیلیر . تمیز دیگرله : الهامات و احساسات دینه نیک - کرک شعوری و کرک غیر شعوری بر صورتده - تأثیراته تابع اولان بر وجدان آنجق بو فضیلتی ابراز ایدیه بیلیر .

وجدان عامه نیک وضعیتی ده وجدان شخصینک وضعیتی دن یک فرقی دکلدیر . اونک تأثیراتی ده، تابع اولدینی شرائطه کوره ده کیشیر . مع هذا وظیفه مراقبه بی ایفا ایتمک خصوصنده وجدان شخصین قوتلی اولدینی غیر قابل انکاردر .

فقط بوقوتیله برابر، یک مهم برضعیفی ده واردر . سیار دکل، ثابت اولدینی ایچون، هر کسی هریرده تعقیب و مراقبه ایدیه من . بناء علیه وجدان عامه نیک دائرة تعقیب و نفوذی خارجنده بولنان بر کیمسه نیک، وجدان عامه نیک مراقبه سندن قورقماسنه و یاخود وجدان عامه دن مکافات بکله مه سنه محل قالماز . دائرة تعقیب و نفوذنده دخی، حیات فانییه ترتیب ایدیه جک مسئولیت و یا مکافاته اهمیت و یرمه سنه قوتلی سیدلر بولنه من . باخصوص وسائل ممکنه ایله مسئولیتی برطرف ایتمک احتمالی وجدان عامه حضورنده فکر مسئولیتی ضعیف دوشوره بیلیر . بناء علیه وظائف اخلاقیه نیک مراقبه سز قالماسی تهلیکسی دانماوارد خاطردر . مراقبه سز قالان اخلاقندن هیچ بر زمان آبی نتیجه بکله نه من . اگر آبی نتیجه لره تصادف ایدیلرسه مطلقاً اونلرده اثر تصادفدرلر .

مسئولیت و یا مکافات اخرویه فکری بوکی اسباب ضعف و مخاطره دن آزاده در . مسئولیت اخرویه فکری ثابت دکل، سیار اولدینی ایچون، هر کسی هریرده هر زمان تعقیب و مراقبه ایتمک قدرتی حائردر . هیچ بر کیمسه هیچ بر زده، هیچ بر زمان اونک تعقیب و مراقبه سندن یا قاسنی قورناره من . و غیر مشرووع سبب و بهانه لر ایله مسئولیت اخرویه بی برطرف ایتمک امکانی بوله ماز . باخصوص اخروی مسئولیت، حیات ابدیه نیک چکه جکی بر مسئولیت اولدینی ایچون، عاقل بر کیمسه بو مسئولیتیه قارشیه هیچ بر وجهله اهلکار طاورانه من . بناء علیه وظائف اخلاقیه اوزرنده الک زیاده تأثیر اجرا ایدیه جک اولان قوت، مسئولیت اخرویه قوتیدر .

مکافات اخرویه فکری ده، ینه حیات ابدیه یه مانده بر فکر اولدینی ایچون عاقل بر کیمسه مکافات اخرویه فکری نه قارشیه قطعاً اهلکار طاورانه ماز . بناء علیه وظائف اخلاقیه اوزرنده الک زیاده تأثیر بیراقان قوه مؤیده لردن بری ده اخروی فکر مکافات قوتیدر . انسان، کلوب کچیچی دنیوی مکافاتلری هر زمان اهل ایدیه بیلیر . فقط دائمی و ابدی حیاتی مکافاتلر بیراقی هیچ بر عاقلک یا پاچنی برایش دکلدیر . بالعکس

مکافات اخرویہ بہ نائل اولیٰ ایچون ، دنیاہ ہر دورلو مزاحمہ تحمل ایڈیلر .

بو بحث خلاصہ ایدلک لازم کلیرسہ ، دینیلہ بیلیر کہ حرکات بشریہ بی ربط و ضبط آلتہ آله جق بر قوۃ ضابطہ وارسہ ، اودہ ، اخروی مسئولیت و مکافات فکر لیدر . بو قوتک برنی طوتہ جق دنیوی هیچ بر قوت یوقدر . بشریت بو حقیقی ایرکچا کلایہ جق و بو قوۃ ضابطہ نک تشکیلاتی توسیہ بتون قوتیلہ چالیشمق احتیاجی دویا جقدر . ی . ع

## اجتماعیات

### اجتماعی فوضال نصل سرایت ایدر ؟

جمیت حیاندہ ناقابل مقاومت بر خاصہ سریان موجوددر . محیطک تأثیری نامیلہدہ توسیم ایدیلن بو احتساسات غیر مرئیہ دن ہیئت اجتماعیہ نک مثبت و یامنی نتائج استحصال ایتسی سرایت و میلان خاصہ سنک توجه ایتدیکی استقامتہ تابعدر .

فردی ساحدہ مستقل حرکت ایدہ بیان ، ارادہ سنہ حاکم اولان ہر ہانکی بر کیمسہ ، کتلہ اجتماعیہ نک مشترک ارادہ سی ساحہ سنہ کیرنجہ در حال مشترک تأثیراتہ تابع اولور . اجتماعی کتلہ لری تحریک ایدن روحیاتہ کلنجہ بودہ ، عقلدن زیادہ ، حسیاتہ استناد ایدر . افراد اوزرینہ جمیتک تأثیری ، حساً متحرک بیوک بر اجتماع کتلہ سنک محیطنہ کیرن کیمسہ لر اوزرندہ کی ناقابل مقاومت تأثیراتہ مشاہددر . او کیمسہ لر ایستہ سہ لردہ ، ایستہ سہ لردہ جمیتدن بشقہ دورلو دوشونہ منزل .

عمومی نمایشلردہ واضحاً حس ایدیلن بو قانون اجتماعیہ نک حال طبیعیہ دہ دہا ساکن ، فقط دہا درین تجلیاتی موجوددر .

افرادینک سجایای مثبتہ سی جمیتک منفی فضایلنہ فائق اولیان ہیئت اجتماعیہ لر تردیاتک سرائی ایچون اک مساعد بر وسط تشکیل ایدر . جمیتک افراد اوزرندہ منفی تأثیرات وجودہ کثیرہ مہمسی ایچون تربیہ ابتدائیہ و شخصیتک ، منفرد سچیہ نک متین و متکامل اولسی لازم کلیرکہ ، جمیتی فوضا یوللرندن قورتارہ جق یالکیز یوقوتدر .

دیمک اولویورکہ افرادک صلاحی جمیتک صلاحی مؤدی اولدینی قدر جمیتک تردیاتی افرادک کالکہ مانع و بالنتیجہ ہیئت اجتماعیہ نک انفساخنی موجبدر .

یوکسہ لک ایستہ یں ہیئت اجتماعیہ لرکہ ، افراد و جمیت قوتلرینک یکدیگری مثبت وجہ لر داخانده دائما تقویہ ایدہ جک بر خط حرکت انتخاب ایتلری ضروریدر . بویکی قوتدن برینک سقوطی دیگرینک دہ سقوطنی انتاج ایدر .

ملتک حیاتندہ اک بیوک برتہ لک تشکیل ایدن اجتماعی فوضالک نصل سرائتہ باشلاہرق افرادی و بالنتیجہ جمیتی عوہ محکوم ایتدیکی واضحاً تدقیق و تحلیل ایدہ بیلیمک ایچون اولامردہ ہر ہانکی بر فکرک نہ کی شرائط ایچندہ مفکوردہ حالی آلدیغنی مناقشہ ایتلی یز .

دنیاہ مجنون اولیان ہر صاحب عقلک ملاحظاتی برر فکر اولہ بیلیر . لکن بونلرک قیمتی افراد و جمیتہ بخش ایتدیکی منفعت و ضررہ کورہ تعین ایدر . بو فکرلرک ماہیتی تعینندہ یکانہ معیار عقل سلیم ایلہ تجربہ دن بشقہ برشی دکلددر . خلقت آدمدنبری چوق دفعہ بشریت باطل فکرلر آرقہ سندہ قوشمش ، باطل عقیدہ لر او غورندہ جان ویرمشدر . بر زمانلر بوتلرہ ، آتشہ ، حیوانات مفترسہ یہ - حاشا - تعبد ایدن انسانلر بمضاً اساطیرہ اسیر اولمش ، بمضاً ظالم مستبدلرک محکومی بولمشدر . تاریخک بوتجلیاتندن آکلاشیلورکہ : عقل ہر وقت بشریت اوزرندہ حاکم اولہ مامشدر . احوال روحیہ انسانہ - عقل ، تربیہ و سچیہ نقصانی کی ہر ہانکی بر سبیلہ - باطلی حق اولہرق قبولہ دہ متایلدر . آنجق پک آز بختیار کیمسہ لردرکہ کندیلرینی باطل تأثیرلردن قورتارا بیلیرلر .

ایستہ ہیئت اجتماعیہ نک سعادت ، محافظہ زندگی ایچون متحرک بذانہ اولیٰ قوتی حائر شخصیتلرک جو غالی نصل بر ضرورت تشکیل ایدرسہ ، اکثریتی بو یوکسہ کمالی ادرا کدن محروم بولنان افرادک اصطفا سی ایچون دہ «مراقبہ اجتماعیہ» اک بیوک بر لازمہ حالندہ تجلی ایدر .

ہر ہانکی بر فکر اولہ دعوی اولارق میدانہ چیقار . بودعوا ، تکرار اولنور . نطقلرہ ، قونفرانسلرہ ، مطبوعاتلہ ، کتبابلرہ ، خصوصی مباحثہ لرلہ تکرار تعاقب ایدر .

بو تکرارلر متفکر ، متحرک بذانہ اولیان روحلر اوزرندہ بر تأثیر بر اقیار ، بو تأثیراتک دوائی ، نفوذ و سرائت خاصہ لرینک یاردیمیلہ فکرلر مفکوردہ حالہ انقلاب ایدر . کوستا و لوبون بو حقیقتدن بحث ایدرکن دییورکہ : «ادعا ایلہ تکرار ، اقناعک اک قوتلی عامللریدر . ادعا فکر تولید ایدر ، تکرار اوفکری برلشدیرر و اونی بر عقیدہ یعنی صارصلمقدن وارستہ قالہ جق درجہ دہ ثابت بر فکر حالہ کتیریر . بسیط روحلر اوزرندہ - حق بسیط اولیانلرک اوزرندہ دخی - تکرارک قوتی شایان حیرتدر . اونک تأثیریلہ اک بارز ضالئلر پارلاق حقیقتلر کی اولور .»

علمک غایہ سی انسانیتہ خدمت و اعلا ی حقیقتدر . علم اجتماعی و روحینک دہ غایہ سی بشریتک رہگذار حیاندہ اک صاعلام و مسعود بر یولہ یورو مینہ خادم و سائلی کوسترمکدر .

جمیت بشریہ نک بر جزؤ متینی اولان ہیئت اجتماعیہ مز ایچون دہ